

TARTUGUETO

La tartugo d'Hermann, coume lis outro, se pòu plus aprivada... (pajo 7)



Prouvènço d'aro

Tóuti li mes, lou journau de la Prouvènço d'aro

Setèmbre de 2020

n° 368

2,10 €

Pargue dóu Ventour

Pargue naturau regiounau dóu Ventour

Ié sian, lou decret dóu Pargue naturau Regiounau dóu Ventour vèn d'èstre signa lou 27 de juliet: fai un pargue naturau de mai en Prouvènço.

Aquelo creacioun a tirassa... Es en 1960 que lis elegit de l'encountrado s'avisèron que l'estiéu coume l'ivèr forço mounde barrulavo dins la moun-tagno e aquéu trepejamen sóuvage



degaïavo mai que mai lou païsage. Adonc èro necite de crea lèu lèu d'amenajamen e d'equipamen pèr geri aquelo bandido grandissènto de tou-risto e permetre i coumuno de supour-ta aquéu flus e tambèn perqué pas n'aprouficha...

Pèr realisa acò, lou 2 de nou-vèmbre 1965, t'an crea d'en prou-mié lou Sindicat miste d'amenajamen e d'equipamen dóu Mount Ventour (SMAEMV) que tant lèu s'es mes à l'obro, emé d'aquesicioun inmouбилиero, creacioun de reservo founciero, travi d'interés coumunau soutu mandat di vilò councernido vo di coumunauta

Lou mount Ventour



de coumuno, aquesicion de mejan de coumunicacioun e de proumoucioun, sensibilisacioun e counsèu, meso en valour de draio coumunalo e camin de randounado, coustrucioun e esplecho dóu resau de remountado mecanico, etc. etc.

Emé bèn segur, aguèron la missioun proumièro de prefiguracioun dóu futur pargue naturau regiounau dóu Ventour. Acò prenguè de tèms, lou Counsèu Regiounau de Prouvènço-Aup-Costo d'Azur coumencè timidamen de s'en ócupa en 2005 e d'engaja li proumièri prouceduro.

Pièi la councertacioun di coumuno e estruturo intercoumunalo faguè chi, avien de peno à s'entèndre sus lou

sujèt. S'esperè 2018, pèr metre en plaço un coumitat de piloutage en cargo de la redacioun d'uno charto dóu pargue regiounau qu'establiguè li dre, li devè e lis aspiracioun legitime de tóuti aquéli que demoron dins l'endré. Pièi se deci-dè de traça lou perimètre dóu pargue.

Lou presidènt de la Regioun Prouvènço-Aup-Costo d'Azur, soun Sud, Renaud Muselier dins un acamp à Carpentras lou 14 de setèmbre afourtiguè soun sostèn perdurable e sa voulounta de mena à bèn la creacioun dóu pargue naturau regiounau dóu Mount Ventour.

Mai retarda que retarda, l'óuficialisacioun d'aquelo creacioun s'agantè mai un retard, aqueste cop pèr l'encauso dóu counfinamen. Basto, es lou cin-

quanto-cinquen de Franço e lou nouven de la regioun Prouvènço-Aup, Costo d'Azur, emé 35 coumuno.

Quatre site soun classa: Ventour, li gorgo de la Nesco, Ouvèze e Toulourenc e Aygues.

L'idèio d'aquelo creacioun greiè dins l'annado 1965 emé lis elegi dóu relarg. Emé l'ajudo dóu Counsèu regiounau e dóu Counsèu despartamenau de Vau-Cluso, es enfin crea.

Dins lou biais dis àutri pargue naturau a trouba un bèu logo en francès e en prouvençau.

Se tout vai bèn i'aura 70 evenimen à gràtis enjusqu'à la fin de l'annado.

Bono vesito!

T. D.

Michèu Serres à-Diéu-sias

Lou filousofe e istourian gascoun retrobo sa lengo dins soun libre "Adichats!"

Pajo 2

Estefan Sanchez roumansié

Enmanuèl Desiles a rescountra l'escrivan sessian...

Pajo 3

Un sirop adouba en Prouvènço

Pacalo, lou sirop de l'eti-quetto escricho de tout-en-tout en prouvençau...

Pajo 5